



UAP-PRD

March 27, 2017

প্রথম আলো



একুশে পদকপ্রাপ্তিতে উপাচার্যকে সম্মাননা দিল ইউএপি

ইউনিভার্সিটি অব এশিয়া প্যাসিফিকের (ইউএপি) উপাচার্য অধ্যাপক ড. জামিলুর রেজা চৌধুরী একুশে পদক পাওয়ায় তাকে সংবর্ধনার দিয়েছেন বিশ্ববিদ্যালয়ের ট্রাস্টি বোর্ড এবং ইউএপি পরিবার। বিজ্ঞান ও গবেষণায় বিশেষ অবদানের জন্য এ বছর একুশে পদক পেয়েছেন জামিলুর রেজা চৌধুরী। সংবর্ধনা অনুষ্ঠানে উপস্থিত ছিলেন ইউএপি ট্রাস্টি বোর্ডের চেয়ারম্যান কাইয়ুম রেজা চৌধুরী, সিনিয়র ভাইস চেয়ারম্যান আনহার আহমেদ চৌধুরী, সদস্য সি এম শাফি সামি, আবদুল মালেক মোল্লা, অধ্যাপক মোহাম্মাদ শরিফুল ইসলাম, বিশ্ববিদ্যালয়ের সহ-উপাচার্য এম আর কবির, ইউএপির সাবেক উপাচার্য অধ্যাপক ইমেরিটাস ড. আবদুল মতিন পাটোয়ারি, মানবাধিকার কমিশনের সাবেক চেয়ারম্যান ড. মিজানুর রহমান এবং বিশ্ববিদ্যালয়ের ট্রেজারার অবসরপ্রাপ্ত এয়ার কমান্ডার ইসফাক এলাহী চৌধুরী। বিজ্ঞপ্তি

সমকাল

একুশে পদকপ্রাপ্ত অধ্যাপক জামিলুর রেজাকে সম্মাননা

■ সমকাল প্রতিবেদক

একুশে পদক-২০১৭ প্রাপ্তি উপলক্ষে ইউনিভার্সিটি অব এশিয়া প্যাসিফিকের (ইউএপি) উপাচার্য অধ্যাপক ড. জামিলুর রেজা চৌধুরীকে সম্মাননা জানিয়েছে ইউএপি ট্রাস্টি বোর্ড। সম্প্রতি বিশ্ববিদ্যালয় ক্যাম্পাসে এ সম্মাননা জানানো হয়। বিজ্ঞান ও গবেষণায় বিশেষ অবদানের জন্য তিনি এ পদক লাভ করেন। গতকাল বৃহস্পতিবার বিশ্ববিদ্যালয়ের এক সংবাদ বিজ্ঞপ্তিতে এ তথ্য জানানো হয়।

অনুষ্ঠানে উপস্থিত ছিলেন ইউএপি ট্রাস্টি বোর্ডের চেয়ারম্যান কাইয়ুম রেজা চৌধুরী। বোর্ডের সিনিয়র ভাইস চেয়ারম্যান আনহার আহমেদ চৌধুরী, সদস্য সিএম শফি সামি, আলহাজ আব্দুল মালেক মোল্লা, অধ্যাপক ড. মোহাম্মাদ শরিফুল ইসলাম, বিশ্ববিদ্যালয়ের উপ-উপাচার্য এমআর কবির, ট্রেজারার এয়ার কমডোর (অব.) ইসফাক এলাহী চৌধুরী, সাবেক উপাচার্য অধ্যাপক ইমেরিটাস ড. আব্দুল মতিন পাটোয়ারী, মানবাধিকার কমিশনের সাবেক চেয়ারম্যান ড. মিজানুর রহমান প্রমুখ। অনুষ্ঠানটি সঞ্চালনা করেন ব্যবসায় শিক্ষা অনুষদের প্রভাষক তাহমিম সিদ্দিকী এবং সামিরা সাহেল। অনুষ্ঠানের শুরুতেই সহকারী অধ্যাপক লাইকা বাশির এবং তার দল স্বাগত সঙ্গীত পরিবেশন করে।

অধ্যাপক ড. জামিলুর রেজা চৌধুরী বলেন, একুশে পদক প্রাপ্তি নিঃসন্দেহে অনেক আনন্দের ব্যাপার। রাষ্ট্রীয় পদক গ্রহণ অনুষ্ঠানে থাকে শুধু আনুষ্ঠানিকতা; কিন্তু আজকের এ অনুষ্ঠানজুড়ে আছে অকৃত্রিম এবং আন্তরিক ভালোবাসা।

বাংলা ট্রিবিউন

একুশে পদক পাওয়ায় উপাচার্যকে ইউ এ পি পরিবারের সম্মাননা
বিশ্ববিদ্যালয় প্রতিনিধি১৫:২১, মার্চ ১৮, ২০১৭



বেসরকারি বিশ্ববিদ্যালয় ইউনিভার্সিটি অব এশিয়া প্যাসিফিকের মাননীয় উপাচার্য অধ্যাপক ড. জামিলুর রেজা চৌধুরীকে 'একুশে পদক-২০১৭' প্রাপ্তি উপলক্ষে সংবর্ধনার মাধ্যমে সম্মানিত করলো ইউনিভার্সিটি অব এশিয়া প্যাসিফিকের ট্রাস্টি বোর্ড এবং ইউ এ পি পরিবার।

সম্প্রতি অধ্যাপক ড. জামিলুর রেজা চৌধুরী বিজ্ঞান ও গবেষণায় তার বিশেষ অবদানের জন্য গণপ্রজাতন্ত্রী বাংলাদেশের মাননীয় প্রধানমন্ত্রী শেখ হাসিনার কাছ থেকে 'একুশে পদক-২০১৭' গ্রহণ করেন। তার এই বিশেষ অর্জনকে সম্মান জানাতেই ইউনিভার্সিটি অব এশিয়া প্যাসিফিকের ট্রাস্টি বোর্ড এবং ইউ এ পি পরিবার আয়োজন করে একটি সংবর্ধনা অনুষ্ঠানের। অনুষ্ঠানটি উপস্থাপনা করেন ব্যবসায় শিক্ষা অনুষদের প্রভাষক তাহমিম সিদ্দিকি এবং প্রভাষক সামিরা সাহেল।

উক্ত অনুষ্ঠানে উপস্থিত ছিলেন বিশ্ববিদ্যালয়ের ট্রাস্টি বোর্ডের সম্মানিত চেয়ারম্যান জনাব কাইয়ুম রেজা চৌধুরী। অন্যদের মধ্যে আরও উপস্থিত ছিলেন ট্রাস্টি বোর্ডের সিনিয়র ভাইস চেয়ারম্যান জনাব আনহার আহমেদ চৌধুরী, ট্রাস্টি বোর্ডের সদস্য জনাব সি এম শাফি সামি, আলহাজ আব্দুল মালেক মোল্লা, অধ্যাপক ড.মোহাম্মাদ শরিফুল ইসলাম, বিশ্ববিদ্যালয়ের উপ উপাচার্য এম আর কবির, ইউ এ পি র সাবেক উপাচার্য প্রফেসর এমিরিটাস ড.আব্দুল মতিন পাটোয়ারি, মানবাধিকার কমিশনের সাবেক চেয়ারম্যান ড. মিজানুর রহমানসহ ট্রাস্টি বোর্ডের অন্যান্য সদস্যবৃন্দ।

অনুষ্ঠানের শুরুতেই বিশ্ববিদ্যালয়ের বেসিক সাইন্স অ্যান্ড হিউমিনিটিস অনুষদের সহকারী অধ্যাপক লাইকা বাশির এবং তার দল স্বাগত সঙ্গীত পরিবেশন করেন। আমন্ত্রিত অতিথিদের সকলেই দেশের এই কৃতি সন্তানকে তার "একুশে পদক" প্রাপ্তির জন্য বিশেষ ধন্যবাদ জ্ঞাপন করেন।

ট্রাস্টি বোর্ডের চেয়ারম্যান জনাব কাইয়ুম রেজা চৌধুরী তার বক্তব্যে বলেন, ড. জামিলুর রেজা চৌধুরীর এই অর্জন (একুশে পদক) ইউ এ পি কে নিয়ে গেছে এক অন্য উচ্চতায়। তিনি আশা করেন অধ্যাপক ড. জামিলুর রেজা চৌধুরী তার শ্রম ও মেধা দিয়ে যেভাবে ইউনিভার্সিটি অব এশিয়া প্যাসিফিকে বাংলাদেশের সেরা বিশ্ববিদ্যালয় গুলোর একটিতে পরিণত করার যে নিরন্তর চেষ্টা করছেন সেই ধারা তিনি অব্যাহত রাখবেন এবং আগামী দিন গুলোতেও তাকে এই বিশ্ববিদ্যালয়ের উপাচার্য হিসেবে পাবেন। এসময় জনাব রেজা বাংলাদেশ সরকারকে ধন্যবাদ জানান, দেশ বরণ্য এই প্রকৌশলীকে একুশে পদক দেওয়ার জন্য।

বিশ্ববিদ্যালয়ের উপ উপাচার্য এম আর কবির তার বক্তব্যে বলেন, আমাদেরকে অবশ্যই ড. জামিলুর রেজা চৌধুরী স্যারের কাছ থেকে শিখতে হবে। স্যারের গুণগুলো যদি আমরা নিজেরদের জীবনে বাস্তবায়ন করতে পারি তাহলে আমরাও আলোকিত হতে পারবো।

অধ্যাপক ড. জামিলুর রেজা চৌধুরী তার বক্তব্যে বলেন, একুশে পদক প্রাপ্তি নিঃসন্দেহে অনেক আনন্দের ব্যাপার। রাষ্ট্রীয় পদক গ্রহণ অনুষ্ঠানে থাকে শুধু মাত্র আনুষ্ঠানিকতা, কিন্তু আজকের এই অনুষ্ঠান জুড়ে আছে অকৃত্রিম এবং আন্তরিক ভালোবাসা।

অনুষ্ঠানের শেষে অধ্যাপক ড জামিলুর রেজা চৌধুরীর হাতে সম্মাননা ক্রেস্ট তুলে দেন বিশ্ববিদ্যালয়ের ট্রাস্টি বোর্ডের চেয়ারম্যানসহ অন্যান্য সদস্যবৃন্দ।

অনুষ্ঠানটির সার্বিক তত্ত্বাবধানে ছিলেন বিশ্ববিদ্যালয়ের ট্রেজারার অবসরপ্রাপ্ত এয়ার কমোডোর ইসফাক এলাহী চৌধুরী।

<http://www.banglatribune.com/my-campus/news/190027/%E0%A6%8F%E0%A6%95%E0%A7%81%E0%A6%B6%E0%A7%87-%E0%A6%AA%E0%A6%A6%E0%A6%95-%E0%A6%AA%E0%A6%BE%E0%A6%93%E0%A7%9F%E0%A6%BE%E0%A7%9F-%E0%A6%89%E0%A6%AA%E0%A6%BE%E0%A6%9A%E0%A6%BE%E0%A6%B0%E0%A7%8D%E0%A6%AF%E0%A6%95%E0%A7%87-%E0%A6%87%E0%A6%89-%E0%A6%8F-%E0%A6%AA%E0%A6%BF-%E0%A6%AA%E0%A6%B0%E0%A6%BF%E0%A6%AC%E0%A6%BE%E0%A6%B0%E0%A7%87%E0%A6%B0>